

simorum Medicorum Axioma: *Εὐκρασία* melancholicis, lapidi renum, scirrhis, Quartanis. Itaq; pessimè consulunt, qui confestim vomitoriis, purgantibus, sudoriferis fortibus instant, & morbum nascentem in ipsâ herbâ rescindere, & opprimere conantur quâ temeritate sæpe duplex, aut triplex redditur, aut in graviores affectus effertur. Nisi constet morbum tantum ab errore externo provenisse, vel multas cruditates congestas esse, quæ coctione non expectatâ debeant educi: Alioquin spretis cæteris pro hoc medendi modo rationibus ab initio saltem LENIENTIA præbeantur, ex levi decoct. fumarix, epithymi, & fol. sennæ in sero caprino, syr. de pomis savoris, syr. ex infus. ros. pallid. cum fol. sennæ, aloe rosatâ, Elect. lenit. & aliis blandè evacuantibus. Aut injiciantur CLYSTERES quibus fl. borrag. buglossi, succus liquiritiæ, & aliquid hieræ simplicis addita sint.

PRÆPARANTIA alia humoris peccantis excessus corrigunt, & pro ejus diversitate, si calidus sit, quæ refrigerent, frigidus quæ modicè calefaciant, siccus, quæ humectent, omnia autem putredinem inhibeant, eliguntur, ejusmodi sunt cichorium, fumarix, ceterach, borrago, buglossum, cortices citri, capill. Ven. melissa, chamædrys & c. atq; ex his variè composita: Alia simul vias recludunt, per quas cocta materia ductum purgantis promptius sequatur, qualia parantur ex rad. filicis, polypodii q., cortice rad. tamarisci, capparum, cuseutâ, genistâ, sale hyperici, centaurii minoris: Egregiora & validiora pro contumacibus plerumq; in hac febre oppilationibus DIGESTIVA petuntur è CHYMICORUM scholâ, Tartarum Vitriolatum, arcanum Vitrioli, crystalli Tartari, mixtura Antihypochondriaca, Tartarum chalybeatum: attenuant, incidunt, aperiunt, cachexiam, & putredinem emendant. Crocus Martis aperitivus aliquot dies sesqui horam ante cibum sumt, atrum sanguinem reseratis obstructionibus educit. Universale digestivum repetitis vicibus ad gr. ʒ. cum Cremoris Tartari Scrup. sine discrimine humoris febrem gignentis adhibitum insignem præstat operam. Qui-